



## PAENITENTIARIA APOSTOLICA

Prot. N. 1108/17/I

### DECRETUM

PAENITENTIARIA APOSTOLICA, ad augendam fidelium religionem animarumque salutem, vi facultatum sibi specialissimo modo a Sanctissimo in Christo Patre et Domino Nostro, Domino Francisco Divina Providentia Papa tributarum, attentis precibus nuper allatis ab Exc.mo Domino Andrea Migliavacca, Episcopo Sancti Miniati, una cum Parocho Sancti Ioseph paroeciae de Cavane, praefatae Dioeceseos, in iubilaeo eiusdem paroeciae, de caelestibus Ecclesiae thesauris benigne concedit *plenariam Indulgentiam*, suetis sub condicionibus (sacramentali Confessione, eucharistica Communione et oratione ad mentem Summi Pontificis) a christifidelibus vere paenitentibus atque caritate compulsi, a die XVII vertentis mensis Septembris usque ad diem XXX Septembris MMXVIII lucrandam, quam etiam animabus fidelium in Purgatorio detentis per modum suffragii applicare possint, si paroeciale Sancti Ioseph ecclesiam in forma peregrinationis inviserint et ibi iubilaribus ritibus peculiaribusque circumstantiis, ut in supplicibus litteris nuper porrectis, devote interfuerint vel saltem per congruum temporis spatium piis vacaverint considerationibus, concludendis Oratione Dominica, Symbolo Fidei invocationibusque Beatissimae Virginis Mariae "Bonii Itineris" nuncupatae et Sancti Ioseph.

Senes, infirmi, omnesque qui gravi causa domo exire nequeunt, pariter *plenariam* consequi poterunt *Indulgentiam*, concepta detestatione cuiusque peccati, et intentione praestandi, ubi primum licuerit, tres consuetas condiciones, si iubilaribus celebrationibus se spiritualiter adiunixerint, precibus doloribusque suis vel incommodis propriae vitae misericordi Deo oblatis.

Quo igitur accessus, ad divinam veniam per Ecclesiae claves consequendam, facilior pro pastorali caritate evadat, haec Paenitentaria enixe rogit ut Parochus et sacerdotes, opportunis facultatibus ad confessiones excipiendo praediti, prompto et generoso animo, celebrationi Paenitentiae sese praebant.

Praesenti totum per paroeciale iubilaeum valituro. Non obstantibus in contrarium facientibus quibuscumque.

Datum Romae, ex aedibus Paenitentiariae Apostolicae, die VIII mensis Septembris, anno Domini MMXVII.

MAURUS Card. PIACENZA  
Paenitentiarius Maior

CHRISTOPHORUS NYKIEL  
Romanus



## PAENITENTIARIA APOSTOLICA

Prot. N. 1109/17/I

### D E C R E T U M

PAENITENTIARIA APOSTOLICA, vi facultatum sibi specialissimo modo a Sanctissimo in Christo Patre et Domino Nostro, Domino Francisco Divina Providentia Papa tributarum, Exc.mo ac Rev.mo Patri Domino Andreae Migliavacca, Episcopo Sancti Miniati, benigne concedit ut, in iubilao S. Ioseph paroeciae de Cavane, die pro fidelium utilitate eligendo, post litanum divinum Sacrificium, impertiat omnibus christifidelibus adstantibus qui, vere paenitentes atque caritate compulsi, iisdem interfuerint sacris, **papalem Benedictionem** cum adnexa *plenaria Indulgentia*, suetis sub condicionibus (sacramentali Confessione, eucharistica Communione et Oratione ad mentem Summi Pontificis) lucranda.

Christifideles qui **papalem Benedictionem** devote acceperint, etsi, rationabili circumstantia, sacris ritibus physice non adfuerint, dummodo ritus ipsos, dum peraguntur, ope instrumenti televisifici vel radio-phonici propagatos pia mentis intentione secuti fuerint, *plenariam Indulgentiam*, ad normam iuris, consequi valebunt.

Contrariis quibuslibet non obstantibus.

Datum Romae, ex aedibus Paenitentiariae Apostolicae, die VIII mensis Septembris, anno Domini MMXVII.



*Maurus Card. Piacenza*

MAURUS Card. PIACENZA  
Paenitentiarius Maior

*Christophorus Nykiel*  
CHRISTOPHORUS NYKIEL  
Regens